

CIRCA ANNUM DOMINI MLXXX.

FOLCARDUS

COENOBII SITHIVENSIS APUD ATREBATES MONACHUS.

NOTITIA HISTORICA.

(*CAVE, Scriptorum ecclesiasticorum Historia litteraria, pag. 531.*)

Folcardus, coenobii Sithivensis apud Atrebates monachus, claruit anno 1060, diuque deinceps vixit. Vir pro sorte saeculi quo vivit non indoctus, Gulielmo Anglorum regi, quem Conquestorem vocamus, admodum familiaris, qui subacta Anglia ipsum Torneie preposuit, ubi xvi fere annis abbatis vices supplevit. Diu in Anglia versatus est donec ortis illum inter et episcopum Lincolnensem simultatibus, sed monasterium suum Sithivense recessit. In litteras misit primo quidem per compendium, deinde recognitos et auctos De vita et miraculis S. Bertini abbatis Sithivensis libros duos, quos Bovini abbatii suo inscripsit. Hos ex mss. codicibus Bertiniano et Vedastino edidit Mabillonius Sæc. Benedict. III, part. I, pag. 104; qui etiam librum u Miraculorum, ab auctore anonymo circa initium saeculi x scriptum, subjecit. Recenset quidem Baleus (*De script. cent. II, p. 164*) Folcardum quemdam Dorobornensem, coenobii Cantuariensis monachum, virum doctissimum, anno 1060 clarum, quem eudem cum nostro fuisse existimamus, quemque Aldredi Eboraensis archiepiscopi, magni sui Mezenatis iussu, De vita et miraculis Joannis archiepiscopi Eboracensis libros duos, eidem Aldredo nuncupatos, atque alia quædam scriptissime, Baleus refert. Certe Folcardum nostrum S. Oswaldi Wigorniensis episcopi, aliorumque sanctorum Angliae historias suaviter composuisse, testis est Orlericus Vitalis, ejusdem pene temporis scriptor Hist. Eccl. lib. II, ad ann. 1118, ubi plura de Folcardo habet. Vita Joannis archiepiscopi Eboracensis a Folcardo scriptæ meminit etiam auctor incertas De vita S. Joannis Monast. Anglic., tom. I, qui pariter ac Baleus Folcardum Cantuariensem vocat, monachum scilicet, non quod Mabillonius male habet, Cantuariensem archiepiscopum. Vitam ipsam extulit Mabillonius Sæc. Benedict. III, part. I, pag. 433. Librum vero Miraculorum, quem etiam memorat Baleus, reperire non potuit. De aliis Vita Bertinianæ scriptoribus, anonymo quadam antiquiore, et Folquino abate Lobensi, Actorum etiam SS. Audomari, Folquini episcopi, Winnoci et Salvini compilatore anonymo altero, denique Simone abbate Sithivensi, exeunte saeculo XII claro, plura te docebit et Mabillonius in *Observationibus præviis*, ubi supra, p. 104.

VITA S. BERTINI

ABBATIS SITHIVENSIS IN MORINIS

Auctore FOLCARDO.

(Apud MABILL., *Acta SS. ord. S. Bened. Sæc. III, parte II, pag. 104*

OBSERVATIONES PRÆVIAE.

1. Multi gesta S. Bertini abbatis in litteras retulerunt. Sex omnino invenio hujuscem argumenti lucubrationes. Prima est anonymi cuiusdam, quem ceteri postea secuti sunt. Secunda Folquini abbatis Lobensis, qui Acta SS. Audomari, Bertini, Folquini episcopi, Winnoci et Silvini Waltero abbati Bertiniano, anno 996 mortuo nuncupavit. Tertia et quarta auctorem habent Folcardum, Sithivensis coenobii monachum. Quinta et sexta metrice composite sunt, una quidem ab anonymo quadam, alia a Simone, ut putant, abbate Sithivensi sub finem saeculi XII, quamquam Joannes Iperius de Simone abate agens, ejus rei, ni fallor, haud meminit. Quatuor postremas scriptiones e monasterio Sithivensi acceptimus, beneficio tum viri religiosissimi D. Joannis Le Pecqueur, subprioris, tum humanissimi D. Gerardi du Val coenobitæ. Illic unicum exhibemus Folcardum, de aliis auctoriis pauca dicturi.
2. Anonymum Vitæ Bertinianæ scriptorem per antiquum laudant auctor libri De gestis S. Winnoci abbatis, Folcardus et alii : Folquinum Jacobus Malbrancus passim, maxime in scholiis ad cap. I, lib. II De Morinis, ubi ait Folquinum in Actis SS. Audomari, Bertini, etc., multa præterisse quæ apud alios reperiuntur, quia solummodo ea inserere in votis habuit quæ lectionibus Breviarii possent adaptari. Hunc putant esse Folquinum levitam et monachum Bertinianum, qui principum ac regum diplomata aliaque instrumenta in unum retulit, et annis regum annos Dominicæ Incarnationis aptavit; qua in re a